



BALITANG Atin

The Official News Bulletin of JSOSCC

SOVEREIGN OVERCOMING SHEPHERD Christian Church

Pananagutan at Pribilehiyo ng Fellowship, Pinalalalim Pa

Ayon na rin sa direksyon ng matiyaga nating Diyos, nadaragdagan pa ang mga Linggong binubulay natin ang mga prinsipyo at hamon sa Biblia ukol sa pakikipagkapatiran natin sa isa't isa bilang mga alagad ng ating Panginoong Jesus.

Maaalalang nag-uugat ang pagbubulay sa siyam na teksto ng Salita ng Dios na naglalaman ng salitang "fellowship". Tulad ng naipaliwanag na sa simula ng Sermon Series na ito, bawat tekstong ito ay nagbibigay sa atin ng mga particular na pribilehiyo at pananagutan natin sa isa't isa bilang magkakapamilya sa pananampalataya.

At dahil sa likas na mayaman ang mga tekstong ito, (at matagal naman talagang magsalita ang inyong lingkod), naging direksyon na ng Banal na Espiritu na huwag piliting ipagkasya ang mga pangangaral sa isang buwan lang.

Ang mas mahalaga ay maisa-isa ang mga hamon na ito ay makapagbigay ng maluwag na panahon hindi lang para mapagbulay ang mga ito, kundi para makabwelo nang sapat para sa mga personal at pangkating aplikasyon.

Kaya nga kahit matagal-tagal na ring tapos ang buong sermon outline ng lahat ng bahagi ng naturang series, hindi ito maimadali.

sa takbo ng ating sermon pacing, lumalabas na aabutin pa tayo ng dalawa o tatlong Linggo para makumpleto ang makabuluhang sermon series na ito.

Bunga nito, patuloy ang ating panawagan sa lahat, lalo na sa mga kapa-muso, na patuloy ding maging matiyaga at masinop sa pakikinig at pag-aanalisa ng Salita ng Dios tuwing Linggo.

Patuloy din nawang maging mapanuri tayo hindi sa iba kundi sa ating mga sarili sa harap ng mga pagbubulay na ito. Walang dudang nais ng Dios na tumatag pa at bumisa ang ating ugnayan. Nais pa Niyang mapagpala pa natin ang isa't isa at sama-samang maparangalan ang dakilang pangalan ng ating pinaglilingkuran Dios.

Syempre, mas lalawak ang ating aplikasyon kung pati sa mga SHA (Sermon Huddle for Application) ay magiging bukas puso tayo sa mga ka-Care Flock. ☺

Window Installation sa Side Hallway Natapos Na!

Ilang lingo rin ang lumpas nang pasimulan ang renovation sa ating Side Hall ng church sa pangunguna ni Bro. Boy. Nitong nakaraan linggo ay napaletadahan na ang tinibag na dingding at binuksan na nga ito upang mas maaliwas at maluwag ang ating sanktwaryo. Ngayon naman ay tinapos nina Bro. Boy sa tulong ng iba pa ang pagkakabit naman ng bintana. Bukod sa bagong fan na designated

sa side hall ng office mas presko na ngayon sa pwestong ito dahil sa mga bintana.

Praise God sa inobasyon na ito sa ating paligid.



#TheLORDlives #HisLOVEenduresForever #myFOVERERkayJESUS

BALITANG Atin

"Naka-ZOOM ba? Dumidikit sa Isa't-isa, nakafocus sa Kanya" sa YA Fellowship

Ito ang paksang biniyang-diin sa fellowship na pinangunahan ng YA Dept. noong June 28. Dinaluhan ito hindi lamang ng mga young Adult maging ng ibang kapatiran.

Tumayong mga emcee sina Bro. Romeo at Almond. Nagsimula ang programa sa singspiration ni Bro. Ronald at opening prayer ni Bro. Rommel. Sinundan ito ng acquaintance game na inihanda ni Sis. Rona at masayang group dynamics ni Bro. Ronald.

Matapos masiyahan sa fellowship sa isa't-isa, nagbigay naman ng mensahe si Pt. Joe. Tumuon ito sa pagpapalawak ng ugnayan(fellowship)sa bawat isa habang lumalalim ang relasyon sa Diyos.

Naging high light din ng programa ang masayang zumba exercise na itinuro ni Sis Imee. Talaga namang nag-enjoy ang lahat habang sabay-sabay na sumasayaw.

Bago matapos, nagbigay naman ng award si Sis. Arlene sa mga best in attendance, best in zumba outfit at kumpletong careflock.

Natapos ang programa sa closing prayer ni Bro. Almond at masarap na meryendang inihanda ni Sis. Luz.



Ang CF na Award Winning sa Attendance



Ang sigaw ng marami... "Zumba pa more!"



Enjoy and Girls vs. Boys game



Hataw ang lahat sa Zumba Sessions w/ Ate Imee

Youth Ministry July Activities, KASADO NA!

Ginanap nitong Linggo, June 28 ang meeting ng mga key leaders ng Youth Ministry ng 1pm hanggang 6pm. Napag-usapan sa pagpupulong ang July General Fellowship, Operation Timoteam (Leadership Level-up), monitoring programs (32 BTMC, Quiet Time at Careflock Attendance), at pati na rin ang CF Regrouping. Pinangunahan ang meeting ng kanilang president. Sa tulong ng mga dumalo na sina Hannah (VP), Ria (Sec), Jehan (Adviser), Joan at Zisa (Fellowship Coordinators), Jhesed, Reymark at Allan (YEP) at Zoren (D2), nakapag-set ng date sa Fellowship: July 19, follow up meetings para sa OPT preparation, resolution para umigting ang monitoring programs at nakabuo ng initial cf groupings.

Salamat sa snack na hatid ni Roselyn (Refreshment Head) na nag-refresh ng mood ng mga naroon.

Tinakda na magkaroon ng meeting sa Linggo (July 5) ang SWAT, D1 at D2 para sa OPT at hiwalay na meeting naman ng fellowship team para sa YD special number.



Worship Service

SCHEDULE OF SERVICES:

- *Children Saturday school – 8:00 to 9:00am
- *Sunday Worship Celebration – 8:30 to 11:00 am
- *Discipleship & Care Flock Sessions – 11:00am to 12:00nn
- *Departmental Meetings – 2:30 to 5:30pm, 2nd & 3rd Sunday
- *Prayer Meetings – Exodus, Wawa, Rainbow, San Martin, Bilibiran, Angono

To:

...Sa kapatiran July na!

Isang buwan na lang at Second Anniversary Month na natin! Praise the Lord talaga sa lahat ng mga pagpapalang nararanasan natin alinsunod dito! Pero syempre, sa isang buwan pa yun. Sa buwang ito naman, inaalala natin ang anibersaryo ng ating Care Flock System. Praise God sa idea na pagsama-samahin tayo sa maliliit na angkop ayon sa ating gulang! Totoo pong marami pa tayong dapat i-adjust sa isat isa ayon sa pamantayan ng Biblia. Pero sa kabila ng mga personal nating kakulangan, nakakatuwang masaksihan ang unti-unti ngunit tiyak na paglapit natin sa bawat isa, lalo na sa ating mga ka-Care Flock. Hindi man agad tayo kinakikitaan ng maramihang pagdami, nararamddaman naman natin ang paglalim ng ating relasyon bilang magkaka-Cf at magkakapamuso. Nawa'y patuloy pa nating maisapamuhay ang mga hamon, pananagutan at pribilehiyo ng fellowship! Love You in Jesus! ☺

WEEKLY BULLETIN

Thank You
LORD

1. Sa naganap na Young Adult Fellowship sa paksang "Naka-Zoom Ba?"!
2. Sa muling gumana na SHA (Sermon Huddle for Application)!
3. Sa natapos na conversion ng inner court windows to three-phase doors!
4. Sa planning meeting ng Youth Executive Staff!
5. Sa bagong biling Stand fan para sa left side ng outer court!
6. Sa nabubuong Association of Christian Entrepreneurs!
7. Sa nararaise na funds ng ating printer at Xerox machine!
8. Sa nagpapatuloy na gumawa para sa improvement ng physical structure ng worship area natin!



Careflock
#5
G'BOYS Zone

#ThankieLORD!!!

- Sa bike na nagagamit, sa provision Nakapag-enroll sa college! - ALLAN
- Sa pag-iingat sa family, talino sa school at sa provision samini! - ZEDRICK
- Sa nag-start na pasukan, blessing araw araw at talino! - MANUEL
- Sa kagalingan sa operation sa appendicitis, sa katatagan! - SAMUEL
- Sa mga kaibigan sa church, guidance at blessing! - RENIEL
- Sa filuy tuloy na blessing sa pamilya naming! - JUJUS
- Sa mga magagandang bagay na nangyayari sa buhay ko! - PHILIP

...PROGRAM...

Praise Leader: **BRO. JASPER**
Opening Prayer: **ALLAN**
Welcome /Greetings: **USHERING**
Prayer for Birthday: **SAMUEL**
Preaching: **PTR. JOE**
Offering Challenge: **BOD**
Prayer for Offering: **MANUEL**

Announcements
Victory Praise

*Care Flock Leaders and Assts
meeting later at 2:30pm

#angDIYOSaySapat
#atingDAKILANGAMA
#atMAIBIGINGTatay

NEXT SUNDAY IN-CHARGE

CARE FLOCK #6 HI-FIVE
CHEJOY'S Group

PRAYER Meeting

WAWA (Wed) 7-8pm
LAKESIDE (Wed) 7-8pm
EXODUS (Wed) 7-9pm
RAINBOW (Wed) 7-8pm
SAN MARTIN (Thurs) 8-9pm
BILIBIRAN (Sat) 10am-12nn

UCLA INTERCESSION

Monday 6pm

SATURDAY INTERCESSION

JULY 11, 2015 ELIJAH GRP

Announcements

SERMON

Outline

July 05, 2015

"WALONG PANANAGUTAN AT PRIBILEHIYO TUNGO SA
MALAWAK AT BALANSENG BUHAY-CRISTIANO" 4
(Sariwang Sulyap sa C8 Campaign)

REVIEW

MAKIPAGKAPATIRAN SA MGA KAPWA CRISTIANO (FELLOWSHIP)

- I. Acts 2:38-42
- II. 1 Corinthians 1:8-13
- III. Galatians 2:8-9
- IV. 1 John 1:1-4
- V. 2 Corinthians 13:11-13
- VI. 1 John 1:5-7

VII. P HILIPPIANS 2:1-5

A. Pananagutan ng fellowship ang:

1. M AGKASUNDO
2. M AGBUKLOD sa pag-ibig
3. M AGPAKABABA sa isat isa
4. M AGMALASAKIT sa mga kasama

B. Pribilehiyo ng fellowship ang:

- makapagbigay at mabigyan ng matinding...

1. K ASIGLAHAN
2. K ASIYAHAN
3. M AKATULONG sa iba

VIII. P HILIPPIANS 3:10-11

A. Pananagutan ng fellowship ang:

1. L UBUSANG makilala si Cristo at ang mga kapatiran
2. P AKIKIISA sa paghihirap, lalo na ng Panginoon

B. Pribilehiyo ng fellowship ang:

1. M ARANASAN ang kapangyarihan ng Dios
2. Maging K ATULAD ng isat isa, lalo na ng ating Panginoon

MONDAY JULY 6 Mabisang paglalapat ng mga opisyal na gawain ng JSOS Christian Church para sa buwang ito. Patuloy na mailinya natin ang ibat ibang programa alinsunod sa mga C8 Campaign goals and objectives. Patuloy na pagtindi ng anointing ng Banal na Espiritu lalo na sa mga leaders & workers natin. Patuloy ding ma-develop ang submission & support ng lahat. Mapulido ang final programs & activities natin para sa second anniversary ng JSOS sa August. Mabisang maihanda ang lahat alinsunod dito. •

TUESDAY JULY 7 Patuloy na blessing sa care flock # 5 sa pangunguna ni Allan. Guidance sa kanyang college life sa URSA, provision at talino. Patuloy na wisdom at spiritual growth kay Reniel sa kanyang work at ministry. Paglago rin sa faith ni Julius, blessing sa family at gabay. Pag-iingat sa family ni Philip, salvation at paglago niya kay Lord. Talino kay Zedrick sa school at probisyon araw araw. Revival at kagalingan ni Samuel, financial provision sa family at kalusugan. Talino sa school ni Manuel, blessing sa ministry at kalakasan ng family. •

WEDNESDAY JULY 8 Pagdami pa ng ating mga gawaing panalangin. Paglago ng mga dumadalo sa mga pulong panalangin sa iba't ibang lugar ng ating mga kapamuso. Kasigasigan ng Elders na pangunahan nito, patuloy na sipag at inspirasyon. Tumawag pa ang Lord ng mga kasamang mangunguna sa ganitong Gawain sa iba pang lugar kung saan naroon ang ating mga kasama. •

THURSDAY JULY 9 Mabisang function at efficiency ng office to cater the department needs. Magaling ng maintenance ng office equipments upang mas mamaximize ito. Mabisang pag-comply sa mga do's and don't's sa equipment use upang mag-tumagal ang gamit nito at mas maging good steward tayo. Blessing kay Ptr. Joe at Grace sa pagsupervise ng office ministry in coordination with BOD and other Dept. Officers. •

FRIDAY JULY 10 Mabisang paghahanda ng pamahalaan at local gov't unit sa pagdating ng tag-ulan. Contingency plan para sa mga kalamidad na nagbabanta sa bansa. Galing ng Gobyerno at ahensya sa pagtukoy ng panahon ng bagyo, at iba pang kalamidad. Talino sa ating president at maging ng mga mamamayan sa darating na botohan. Patuloy na pagsupil sa mga banta ng sakit at krimen sa bansa. •

SATURDAY JULY 11 Sigla at enerhiya ng mga kamanggagawa sa pag-tune up ng ating sound system at music instruments sa church para sa worship service bukas, anointing sa kanila maging sa pag-eensayo. Kasihan ng Lord ang mga intercessors na mananalangin ngayong araw. Mablis na matapos ang weekly bulletin at patuloy na anointing sa paghahanda ni Pastor sa kanyang preaching. Maayos na gumana ang mga pc, printer at Xerox machine. •

SUNDAY JULY 12 Ganap nating maisagawa ang Eight Group Dynamics Covenant, lalo na sa pagitan ng mga magka-Care Flock, magka-Department, at magka-age level. Patuloy pang lumalim ang ating pagpapahalaga sa isat isa at sa ating kapatiran, at makapagsagawa ng lumalawak na paraan ng pagtutulungan. Sa kabilang dako, mapulido na rin nawa natin ang isang maayos at angkop na Sistema ng church discipline. Ganap na katalinuhan at enabling ng Banal na Espiritu para rito. Ganap ding pagpapasakop ng lahat dito, lalo na ang mapapatu-nayang dapat sumailalim nito. Patuloy din nating maisulong ang ibat ibang pro-yekto alinsunod sa ating C8 Campaign. •

PRAYER BULLETIN